

Dagiti Reklamo iti Eleksion (Election Objections)

Ti maysa kandidato, kualipikado a partido politikal, wenno tallopulo (30) a botante ti maysa a distrito electoral ket mabalinda ti mangipila wenno mangidatag iti reklamo iti Klerk ti Korte Suprema. Ti reklamo ket masapul a mangipresentar kadagiti rason a mabalin a pakaigapuan ti panagbaliw dagiti resulta ti eleksion.

Maudi nga Aldaw ti Panagipila

Amin a reklamo a maipila ket nasken a naisurat ken maidatag daytoy iti Klerk ti Korte Suprema iti di naladladaw ngem:

Eleksion Primaria: Agosto 22, 2016, 4:30 iti malem
Eleksion Heneral: Nobiembre 28, 2016, 4:30 iti malem

Eleksion Primaria

Apaman a maipila ti reklamo, mangipaulog ti Korte Suprema iti abiso a mangibilbilin kadagiti naireklamo (defendant) iti isusungbatda iti saan a naladladaw ngem iti alas 4:30 iti malem iti maikalima nga aldaw kalpasan a naawatda ti abiso.

Ti Korte Suprema ket ipaulognanto ti desisionna a pangilanadanna a sibubukel kadagiti amin a natakuatanna kadagiti man pagteng ken iti babaen ti linteg (findings of fact and of law) iti di naladladaw ngem iti alas 4:30 iti malem iti maikapad nga aldaw kalpasan a maawatna ti sungbat dagiti naabisuan. Mairamanto ditoy ti pannakaitudo ti no asino a kandidato a nainominar ti agparang ti naganna iti balota a para iti eleksion heneral wenno no asino ti pudpudno a nabotosan, maibatay iti opisina wenno takem a nagtarayanna.

Eleksion Heneral

Apaman a maipila ti reklamo, mangipaulog ti Korte Suprema iti abiso a mangibilbilin kadagiti naireklamo (defendants) a sumungbat iti di naladladaw ngem iti alas 4:30 iti malem ti maikasangapulo nga aldaw kalpasan a naawatda ti abiso.

Maigidiat iti eleksion primaria, awan ti deadline nga intuding ti linteg a panangipaulog ti Korte Suprema iti desisionna. No naipaulog, ti pangngeddeng ket desidirena ti ania man kadagito: no asino ti/dagiti kandidato a nabotosan, wenno imbalido ti eleksion. No imbalido ti eleksion, mapaangay ti baro nga eleksion iti uneg ti 120 nga aldaw apaman a naipaulog ti pangngeddeng.

Para iti kompleto nga impormasion, basaen ti **Dagiti Narebisar a Paglintegan ti Hawaii (HRS) §§11-172, 11-173.5, 11-174.5, ken 11-175.**

Daytoy a PAGBASAAN (FACTSHEET) ket nairanta laeng a mangipaay iti impormasion a saan ket nga usaren a kas autoridad maipanggep iti paglintegan iti eleksion iti Hawaii. Dagiti rekititos ken/wenno deadlines ket mabalin a mabaliwan. Konsultaren ti Dagiti Narebisar a Paglintegan ti Hawaii (Hawaii Revised Statutes) ken dadduma pay a paggapuan ti impormasion para iti nayon a detaliado a kasapulan.

Opisina Dagiti Eleksion

802 Lehua Avenue

Pearl City, Hawaii 96782

Telepono: (808) 453-VOTE (8683)

Libre nga Itatawag iti Kaarruba nga Isla (Neighbor Island Toll Free): 1-800-442-VOTE (8683)

TTY: (808) 453-6150
